

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 25. Statuta Grada Tuzle („Službeni glasnik Grada Tuzla“, broj 6/21), u skladu sa odredbama člana 39. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Tuzlanskog kantona“, br. 5/12, 7/14, 11/15, 13/16, 4/18, 12/20, 22/21, 5/22, 8/22, 10/22 i 14/22), Gradsko vijeće Grada Tuzle, na sjednici od 31. 1. 2024. godine donosi:

P R A V I L N I K

o izmjenama i dopunama Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle

Član 1.

U članu 1. Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle („Službeni glasnik Grada Tuzla“, broj 15/22) iza stava (1) dodaje se stav (2) koji glasi:

„(2) Riječi i pojmovi koji imaju rodno značenje, bez obzira jesu li u odredbama ovog Pravilnika korišteni u muškom ili ženskom rodu, odnose se na jednak način na muški i ženski rod.“

Član 2.

U članu 8., stav (1) Pravilnika, alineja 2. se briše a alineje 3., 4. i 5. postaju alineje 2., 3. i 4.. U stavu (2) redni broj 3. zamjenjuje se rednim brojem 2.

Član 3.

U članu 9. Pravilnika iza alineje a) dodaje se alineja b) koja glasi:
„b) dokaz o evidenciji prebivališta za podnosioca zahtjeva.“

Član 4.

U članu 18., stav (1) na kraju rečenice, iza riječi „inostranstvu“ dodaju se riječi: “nastalih u toku tekuće godine.“

Član 5.

U članu 24. stav (1), alineja 2. se briše a alineje 3., 4., 5., 6., 7., 8., 9., 10., 11., 12. i 13. postaju alineje 2, 3., 4., 5., 6., 7., 8., 9., 10., 11. i 12. Iza stava (1) dodaje se stav (2) koji glasi:
„(2) Dokaz o evidenciji prebivališta za oba partnera pribavlja nadležna služba po službenoj dužnosti.“

Član 6.

U članu 28., stav (2) alineja 2. se briše a alineje 3., 4., 5. i 6. postaju alineje 2., 3., 4. i 5: Stav (3) mijenja se i glasi:


„(3) Služba nadležna za provođenje postupka po službenoj dužnosti će pribaviti:

- a) dokaz o evidenciji prebivališta za podnosioca zahtjeva i
- b) dokaz o ostvarivanju prava na novčanu pomoć za nabavku senzora za bezbolno i kontinuirano mjerenje šećera u krvi iz sredstava Budžeta Grada Tuzle koja se dodjeljuju putem neprofitne organizacije.“

Član 7.

Ovaj Pravilnik stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01/31-A-1678-2024
Tuzla, 31. januar 2024. godine



PREDSJEDAVAJUĆA
Nataša Perić
Nataša Perić, prof.